



UKA16/36 & 50

14. oktober 2016

Aqqaluaq B. Egede

**Ullutsinnut naleqquttumik ingerlatsinikkullu illersorneqarsinnaasumik Inuusuttut Inuiaqatigiinni Kiffartuussisarnerisa eqquteqqinneqarnissaanik inassuteqaasiortussamik suleqatigiissitamik Naalakkersuisut pilersitseqqullugit peqquneqarnissaannik Inatsisartut aalajangiiffigisassaattut siunnersuut. Inernera Inatsisartunut saqqummiunneqassaaq UKA2017-imi.**

(Siumup Inatsisartunut ilaasortaaitai)

**Inatsisartunut aaliangiiffigisassatut siunnersuut Naalakkersuisut UPA 2017-imut peqquneqassasut inuusuttut 16-iniit 29-nik ukiullit ilanngullugit suliffissarsiortutut allatsissimasut, ilinniagaqalernissaat suliffittaarnissallu siunertaralugu immikkut ittumik pilersarusiussasut.**

(Inatsisartunut ilaasortaq Múte Bourup Egede, Inuit Ataqatigiit)

Nunatsinni inuit ulluinnarni inuuniarnikkut atugarisaat, tassaassapput inuup siunissami atugariumaagassaanut siuarsarnissaanullu periarfissiisussat. Inuppasuilli inuunerat takussutissaavoq, ilami inuusuttorpasuit uppersarsaataapput nunatsinni atuigassarititaasut aaqqissuusaanerpullu arlalitsigut naleqqukkunnaarsimasut. Aamma nassuerutigisariaqarparput inuiattut inuusaatsikkut piumasaqaativut piumassuserpullu allanngoriartormata. Allannguisariaqalerpugut.

Nuna namminersortoq - inuminit naalagaaffinngornissamik siulittorneqartoq aamma kinguaassanut periarfissiisuussaaq. Naleqqussaasoqartariaqarnerata ersersippaa inuusuttorpasuit uniinnarsimasut. Inuiaqatigiinni aaqqissuussisimanerput ilinniarnissamut inuusaatsimullu nutaaliaanerumut naleqqutivissortuusimanngilaq. Iliuusissavut tulliuuttut eqqortumik sinaakutissaqartikkumallutigit immikkut ittumik suliniuteqarnissarput pisariaqavippoq. Meeqqat atuarfianniit ilinniaqqiffissanut allanut ingerlariaqqinnissamut aporfiusinnaasut nassaarisariaqarpavut.

Immikkut ittumik suliniuteqartussamik pilersitsisariaqarpugut sipaarniarfiunngitsumik, siunissami atugarissaarnerulersitsinissamik timitaliinissatsinnut aningaasaliinerulluta eqaatsuliortariaqarpugut. Ullumikkut inuusuttunut ilungersornerusunut aqqutissat "kinerpallaartutut" misinnarput. Aporfissat amerlavallaaqaat. Inuusuttorpasuit qanimut malinnaaffigineqarnissaat, qanimut siuarsarneqarnissaat inuttullu ineriartortinnissaat tassaasariaqarsoraarput immikkut iliuuseqarnissami qulakkeerniagassaaq.

# INUIT ATAQATIGIIT

## INATSISARTUNI



Oqarput: "Ajornarnerulersittariaqanngilaq. Uagut aqqissinnaavarput. Suliarissavarput, inuusuttorpasuit ilinniarfinnut suliffeqarfinnullu appakaatissavagut aamma peqataalersissavagut. Immikkut ittumik iliuuseqartoqarpat atorluarneqarsinnaavugut. Suliffeqarfiit ilinniarfiit inuusuttunullu kifpartuussiviit tamarmik ataqatigiissaagassat annertummata suliassaq angeqaaq. Sapinngilarpulli iluatsissavarput"

Siunnersuutit eqqartukkavut pillugit Inuit Ataqatigiinni inuusuttunik sullissinissamut inuttullu ineriartortitsinissamut piginnaanilinnik saqqummiisitsivugut. Assut nuannerpoq takullugu inuusuttatta siunissaat pillugit suliassaq annertoq unaminartorpasuaqartorlu nunaqqatitsinniit soqutiginarluinnartumik aqqiissutissatut siunnersuusiorfigineqarmat. Takusinnaavarput inuusuttorpasuit nunatsinniittut siunissaat taartuinnanngortinnagu akornatsinni peqataalersinnissaat sulisussaqaqtikkippat. Taamaattoqassappallu politikikkut ataatsimoorluta kajumissuseqarnissarput periarfissiisuusariaqarpoq.

Siunnersuutit marluk eqqartukkavut inuiaqatigiinni isumalerujussuupput - tapersersortariaqarpagullu. Taamatut oqaaseqarluta siunnersuuteqartut Mute Bourup Egede aamma Siumup Inatsisartunut ilaasortaaitai qutsavigalugit siunnersuutit pineqartut Inatsisartut ataatsimiititaliaanni suliassanngortinneqarnissaat Inassutigissavarput.